

Relatório Final di Mayor sobri Futuru di Strand Theatre produzidu pa Grupu di “Task Force” di Mayor, kriadu pa Thomas M. Menino.

7 di Julhu di 2004

### **“The Task Force”**

Sidadi di Boston ê donu di Strand Theatre na Upham’s Corner, Dorchester. Na 1979, Sidadi luga Strand pa M. Harriet McCormack Center for the Arts. Es kontratu di renda ta kaduka dia 30 di Junhu di 2004. Sugundu lei di Massachusetts General Laws Chapter 30B, Sidadi meste imiti un pididu pa pruposta “request for proposals” (RFP) ora ki el ta renda ó disfafê di karkel pruprieda. Na Marsu di 2004, Mayor Thomas M. Menino kria un komité sobri Future di Strand Theatre pa ditermina manera di selesiona ken ki ta ba ser se novu administrador.

Mayor selesiona pesoas ku txeu kualidadi y esperiensia pa ser parti di es Komité: Ken Novack, ex-Vice Prizidenti di Time Warner, Inc., kómu responsável., ta faze parti di es Komité más es sigintis pesoas: Ed Dugger, Prresidenti, UNC Partners; Denise Gonsalves, Diretora Izekutivu di Cape Verdean Community Unido, y rezidenti di Upham’s Corner; Geri Guardino, Diretora Izekutivu di First Night Celebration; Jose Mateo, Diretor di Ballet Theatre di Boston; Magnolia Monroe-Gordon, prufesora di Boston Public School y rezidenti di Upham’s Corner); Klare Shaw, Senior Associate di Barr Foundation; y Tyra Sidberry, Diretora, di Diversity Initiative. Pur favor lê na Appendix A pa biografia di kada menbru di Komité.

Mayor das tres trabadju pa faze: 1) rekomenda misău y visiău di futuru Strand Theatre; 2) rakemenda a Department of Neighborhood Development y a kes otus di tartamentus di Sidadi ki tipu di metudu es de uza pa pruposta “Request For Proposals” (RFP), y pa djuntu di es vizău, pa konsigi atrai organizasău ki mas kualifikadu sta pa diriji Strand Theatre; y 3) pa konsedja Sidadi di Boston sobri stratejia di mumentu, pa pode ten un transisău sen prublemas pa kel parseru ki es skodje atraves di prusesu di RFP.

### **Prusesu**

Komité “Task Force” teve ses prumeru runiău dia 29 di Marsu. Na es runiău, es grupu identifika kuzas ki meste pa tuma konta del y es marka differentis runiău pa fasilita es prusesu. Grupu disidi riuni dos bes pa duranti mes pa tres mes. Lista di ajendas y materiais di kada runiău di “Task Force” sta na Appendix B.

“Task Force” disidi traze dos konsultoris pa djuda informasău ki ta ba ser bazi pa misău, vizău, y métudu di RFP. Prumeru, menbrus buska ideias di komunidadi pa es sta sertu ma misău y vizău pa ki Strand pode rifleti ideias di menbrus di vizinhansa. Pa djada na djunta es informasău, es kreba un argen espesializadu ki pode djuda “Task Force” dizinha y fasilita um prusesu komunitáriu abertu y ki ta inklui tudu argen. Sugundu, “Task Force”

kreba konxeba kes otus lugaris ki tene susesu na kanpu di adiministra na nível nasional y tanbe sobri tudu kes otus tiatrus ki sta konpiti na aria di Boston.

“Task Force” disidi sinplimenti sigi relasāu espesial entri Time Warner, Inc. y Apollo Theater na Harlem y pur isu es konvida Derek Johnson, atual Produtor Izekutivu pa Programas na Time Warner Center y ki era Prizidenti di Apollo Theater (Marsu 2001 -- Dizenbru 2002) a ben faze parti di “Task Force” pa ben pa runiāu y konpartilha se esperiensia. Sr. Johnson diskreve renasimentu di Apollo, incluindu ses stratejias na parseria ku Time Warner, y oferese “Task Force” inputantis lisons di se esperiensia. Es lisons ê kes li:

- Diresāu, adiminstasāu y impregadus di un tiatu debe abrasa se vizāu; vizāu debe difini atividadis bazis di un tiatu.
- Sinais di mudansa vizível, klaru ta mostra nova diresāu di tiatu y ta traze mas fundu di doadoris.
- Apollo ka ta aguenta se kabesa y el meste ranja dinheru pa el paga ses dispezas.
- Partisipasāu a sériu di kumunidadi na tudu mumentu ê mutu krusial; tudu prusesu debe ser senpri abertu.

Apezar di “Task Force” rakonhese ma ten inputantis diferensas entri Upham’s Corner y Harlem, y entri Strand y Apollo, diskusāu entri Mr. Johnson y komité das txeu ajuda.

Finalmenti, “Task Force” djobe informasāu sobri pasadu, inkluindu storia y tudu rikortis di artigus ki sai na jornal sobri Strand (Appendix C) y informasāu sobri prusesu di prupostas (RFP’s) di Sidadi.

### **“Input” Dadus di Komunidadi**

“Task Force” kontrata Marsha M. Morris di Marsha M. Morris Associates, International pa djuda fasilita es prusesu di ideia komunitáriu. Ke lí ê planu ki es kria: 1) Kria folhas ku informasāu pa indika menbrus di komunidadi sobri Strand, 2) intervista alguns menbrus di komunidadi pa pode intende kuza ki sta pasa na Strand, 3) konsentra na espesifikus grupus y tudu grupu inkluindu kes ki ta pasa na tiatu y 4) y un runiāu abertu pa tudu argen di komunidade ki tevi lugar na New Boston Pilot Middle School dia 1 Junhu. Menbrus di “Task Force” fasilita grupus di trabadju duranti kes runiāu komunitária. Imels, xamadas a tudu menbrus di grandi lista ki “Task Force” kria y anunsiu na jornais lokais foi uzadu.

Para alén di trabadja di konsultoris, menbrus di “Task Force” y rezidentis Denise Gonsalves y Magnolia Monroe-Gordon faze txeu runiāu ku jovens y menbrus di komunidadi. Otus menbrus di “Task Force” tevi enkontrus formal ó informal ku menbrus di komunidadi sobri Strand. Juan Evereteze, Diretor di M. Harriet McCormack Center for the Arts, oferese komentárius konstrutivus y koperasāu através di konversa ku Ken Novack, Diretor di “Task Force”. Tanbe komentárius di váríus reprezentantis ofisiais djuda “Task Force”. “Task Force” ranja un enderesu iletroniku ([strand@cityofboston.gov](mailto:strand@cityofboston.gov)) pa rasebe komentárius di públiku.

Lê Appendix D pa segintis dokumentus relationadu ku prusesus di ideias di komunidadi:

- Lista prinsipal di kontatu
- Prusesu di planu di ideias komunitariu
- Dokumentus di komunikasāu ki ta inklui kartas di parserus, pontus prinsipais di Strand, ideias mas impurtanti (benchmark}.
- Instrumentu di pikenu斯 grupu di enkontru y lista di partisipantis.
- Rekortis di jornais ki ta anunsia runiāu pùbliku di 1 di Junhu
- Lista pesoas ki atende runiāu
- Atas di runiāu di pikenu斯 enkontrus y di runiāu di komunidadi
- Rizumu di opiniāu di prusesu komunitáriu
- Kartas ki rasebedu via [strand@cityofboston.gov](mailto:strand@cityofboston.gov)

Kuzas ki sai di runiāu komunitáriu:

*Un grandi valor:* Strand ê un prédiu inkrivel; el ê un valor tremendo pa komunidadi, u ki debe ser presevadu y utilizadu kómu un mutor ikonómiku y kultural

*Involvemenu komunitáriu ê se txabi:* Partisipantis ta kardita ma involvimentu di komunidadi ê txabi numeru un na visāu di Strand (komunitáriu, involvimentudi jovens, iventus pa familia, lugar pa trabadju etc.).

*Imajen di Strand:* Imajen di Strand meste midjora, un “marketing” mas kriativu y relasāu pùblica debe inderesa es prblemas preokupantis (ex. Suguransa, estasionametu, kualidadi di iventus, resesāu-amizadi, etc y promove tiatru ku vizinhansa).

*Un parseru pùbliku-privadu:* Un parseru pùbliku-privadu y un grupu di organizasāu debe ser konsideradu kómu opsāu pa adiministrasāu estrutural pa sta sertu ma se nesesidadis fiskais, adiministrasāu y tékitus debe rasponde a vizāu di komunidadi y di Sidadi. Ka ta importa ken ki ben tuma konta del, ma Sidadi debe fika ku un sertu kontrol pa el pode ten susesu.

*Manutensāu y midjoramentu di prédiu:* Manute di prédiu y bon linpeza di Strand meste ser spiadu já. Alguns ta atxa ma nes mumentu, kel prédiu ka sta raprezenta nós komunidadi suma ki el debe.

### **Dadus sobri Susesus y Kanpu di Konpetisāu.**

“Task Force” involve Liz Curtis di Technical Development Corporation (TDC) pa konduzi un studu sobri kuzas di bon ki sta pra la pa pode djuda “Task Force” analiyza kanpu di konpetisāu di tiatru di Boston. Pa prende sobri ken ki tene susesu, TDC kria un protokolu di intrivista pa uza ku tiatru fora di Boston. Na trabadju ku “Task Force” y ku League of Historic American Theaters, TDC identifika pontus prinsipais di tiatrus ki ten omesmu kuazi, omesmu pozisāudi merkadu y kapasidadi di asentus ki Strand. Seis di dozi ki sujerido partisipa na es prujuetu.

Pa intende kanpu di konpetisāu, TDC faze dos atividadis: el intervista artistas lokais y grupu kultural y tanbe el intervista tiatrus lokais. Na prumeru kazu, TDC konduzi un

intervista di 15-minutus ku duzoitu grups di artistas lokais. Pa sugundu kazu, TDC intervista 19 diretoris di entri 24 tiatrus na aria di Boston ku kapasidadi di mas di 500 sentus. Txeu intervista ta inklui vizita a es tiatru. Par kes ki nega ser intervistadu, TDC uza informasāu di prujetos ki es tevi na pasadu y studu na web.

Inputantis diskubrimentus sta divididu entri pontus di studu prinsipais, entrevistas ku artistas lokais y grupu kultural, y entrevistas ku tiatrus di Boston.

#### *Pontus Prinsipais di Pratikas ku Susesu*

Junta Diretiva debe ser konpostu pa indivídos ki ta tuma konta di nesesidadi partikular di tiatru. Kada individu debe traze diferenti kapasidadi y ligasāu espesial a merkadu, kapasidadi di ranja dinheru ó trabadju legais. Junta diretiva debe inklui menbrus di komunidadi y pesoas ki ta intende y pode sirbi komu enbaixador di komunidadi.

Diretor Izekutivu debe ten kapasidadi di adiministrasāu, kapas di trabadja ku Junta Diretiva, impregadus y komunidadi; un pesoas ku forti konhesimentu di bisnis, ku kapasidadi di traze dinheru, un pesoas ki sta disposu a faze trabadu di tudu dia di un tiatru; un pesoas ki trabadja ben y ta intende komunidadi y se aria en vota del

Staff (impregadus) debe ser menus pusível pa pode fasilita fasilmenti trabadju di tiatru. Adiministrasāu debe faze uzu di pesoas voluntarius ora ki ten txeu atividadis.

Tiatru meste ten un misāu ki tudu argen na organizasāu taintende y ta sigi. E debe kria un lugar di programas ki el ta ser konxedu pa el, esialmenti na un Sidadi ki ten txeu otus tiatru ta konpeti.

#### *Sobri Artis Lokais y Grupus Kulturaus*

Strand ta goza di bon nomi “good will” entri grups di arti di Boston y el deve benefisia del na próximus tenpus.

Reprasāu di prédiu, mudansa di adiministrasāu y dizenvolvimentu di inputantis relasāu ku grups di artis lokais meste pa sta sertu ma Strand ta navega na futuru.

Strand meste razolve es ideia negativa ki el ten entri sertus públikus sobri estacionamentu, seguransa di vizinhansa y tudu kes otus probleminhas di antis y dipos di iventus.

Strand meste rekonstrui relasāu dentu di komunidadi y ativamente persigi prugramasāu ki ta da. Dizenvolve uns pokus más kes inputanti relasāu ku prizentadoris y pesoas xavi na arti y grups kultural pa es pode oferese kel bazi di prugramasāu ki pode ser se estratejia ifetivu.

#### *Sobri Kanpu di Konpetisāu*

Tiatru di Strand sta na un grupu ki ten un grandura ki ten difikuldadi na kanpu di konpetisāu ku kes otus tiatrus ki ta sta ben montadu y es ten ses relasāu ku prezentadoris. Es grandura pode ser bon si Opera House y Constellation Center entra na merkadu na prosimus anus.

Prugramasāu ifeivu na Strand ta pidi: sta senpri tras di novus espetáculos ó organizasāu di sertu tamanhu y ki ta da ku Strand; y inda, dizenvolvimntu di alguns relasāu xavis ku dizenvolvimentu alguns inputantis relasāu di grupus di arti y kultura ki ta ofere se bazi pa kontinua prugrama taba ser xavi.

*Pur favor odja Appendix E pa dokumentus relacionadu a studu sobri prinsipais di pratikas ku susesu y kanpu di konpetisāu:*

- Lista di pontus prinsipais di tiatru, lista lokal di organizasāu di artis y kultura ki foi intervistadu y lista tiatrus di aria di Boston pa studu di kanpu di konpetisāu.
- Rezumu di kada Pontus prinsipais di intervista.
- “Spreadsheet” di kanpu konpetisāu di entrevistas.
- Relatóriu final di TDC

## Rekomendasāu

Baziadu na es fonti di infomasāu, espesializasāu y experiensia di menbrus di “Task Force”, y konversas informal entri menbrus di “Task Force” y alguns parserus xavis, “Task Force” identifika u ki el ta kardita ma ta ser konponenti xavi di futuru susesu di Strand:

- Un orgnizasāu ben adminitradu, ku grandi esperiensi na imobiliariu y adiministrasāu finanseira y un lider dinâmiku.
- Diversidadis di prugramas ki ta atria audiensi di vizinhansa local y di Boston interu.
- Konsentrasāu di prugramas pa jovens y familias y otus atividadis ki ta konsentra na jovens, ki ta inklui “internaships”, aprendizajen y empregu.
- Involvimentu regular di komunidadi na dizenvolvimentu di Tiatru
- Forti kolaborasāu y parceria entri adiministrasāu di Strand y artis organizasōis di kmunidadi, negósius y ajensias governamentais.
- Un prédiu renovaduku ekipamentu di produsāu adekuadu ki ta sta abertu y asesível.
- Prugramas y inventus ben publisitadu.
- Konsetrasāu na razolve es ideia negativu y falsu di vizinhansa di Upham’s Corner.

“Task Force” ta rekonehese ma un monti di posensiais adiministradoris ifetivus pa Strand ta izisti, inkludindu universidadis y otus instituisōis, organizações di artis, konbinasāu di organizações ki pode trabadja djuntu, y grupus di komunidadis di bazi. Pode ser tanbe ki ten organizações pa lukru interesadu n adiministra Strand. “Task Force” ta rekonehese ma ten txeu posiveis diferentis estruturas, metudus finaseirus y otus konsiderāu. Nun esforsu di atraí más organizações posível, “Task Force” propozitadamente evita rekomendasāu ki

ta limita tipu di organizasāu ki pode partisipa ne es prusesu. Kontudu, ê inpurtanti ki karkel, mesmu ki un só organizasāu ó grupu di organizasāu ki subimete ses proposta a Sidadi, el ê ivaluadu baziadu na linhas di se misāu, ladu a ladu ku misāu ki foi rekomendadu Strand; ki organizasāu abrasa vizāu rekomendadu pa Strand, y kualidadi di serespostas a se metudu di selesāu rekomendadu.

Baziadu na informasāu ki es rasebe duranti es prusesu di tres mes, “Task Force” ta rekomenda es segintis misāu y vizāu pa Strand, y RFP (pruposta) métodu di selesāu (lê Appendix F pa métodu di RFP). Djuntu, es pode sirbi di bazi pa skodje adiministrasāu di Tiatru. Inda más, “Task Force” ten otus rekomendasāu kaziadu na se trabadju.

#### *Diklarasāu di Misāut*

Tiatru di Strand é un kaminhu pa diversidadi di realiza artis, prugramas kulturais y iventus komunitárius. El ten dobru misāu: faze ki rezidentis multikultural di Boston partisipa, ku prumesa especial a jovens y a komunidadi di Upham’s Corner; y ki el funsiona kómu meiu di fortifika es tesidu ikonómiku di vizinhansa.

#### *Diklasasāu di Vizāu*

Nu ta odja un Tiatru di Strand ki ta rabenta suma un bonina di flor, un palku atrativu di sentru di artis, ki ta traze audiensia di vizinhansa di Upham’s Corner, di tudu parties di Sidadi, y di tudu Graeter Boston.

Na kunpri se misāu, Strand ta:

- Selebra se diversidadi na tudu aria atraves di se prugramas, se audiencias, se inpregadus, se atoris y produtoris ki ta uza se lugar.
- Promove involvimento di komunidadi nase aumentu y dizenvolvimentu di tiatru.
- Parseria ku tudu dos setoris públiku y privadu pa avansa dizenvolvimentu izonómiku di se vizinhansa.

**Prugramasāu:** Prugramasāu di Strand ta ba ser diversifikadu, di gostu di audiensia di Upham’s Corner y ki ta atraí gentis di tudu Sidadi y di interu Greater Boston. Eskolhas di prugramas ta responde a interesdi komunidadi local, y e ta inklui grandis akontesmentus y iventus ker di rekonhesidus artistas nasional y internasional, pikenus riunāu komunitárias, “workshops” di artis pa kriansas, jovens y famílias, servisus relijiozus, exposisāu sibri saudi, serimonias y rekonhesimentusdi festas di finalistas, “shows” di jovens y artistas lokais. “Strand” ta ba ser un tiatru atrativu, ku se portas senpri abertu, lus na se marquee (entrada), y ku se palku en uzu na bazi regular.

Enkunta el sta onvidativu pa tudu audiensia, Strand ta ba ser un lugar especial pa jovens. Prugramas y atividadis idukasionais duranti dia y dipos di skola ta ser didikadu pa jovens., na undi ki es ta ba ser introduzidu a tiatru y arti. Jovens ta ba ten oportunidadi di enpregu y faze estajiu, un lugar na undi es sta prende sobri adiministrasāu, kriativu y ladu tekiniku di adiministra un tiatru.

Strand ta ba kolabora ku produtoris di arti, artistas. Skolas, organizasãu komunitárias, Sidadi di Boston, ajensias lokais y statal di governu, instituisãu religiozas, fundasãu y mutu otus pa pode kria un instituisãu forti y durável. Strand ta ba ser baratu y asesível a tudu argen ki ta vive y trabaja na se vizinhansa.

**Involvimentu Komunitáriu:** Strand ta involve tudu menbrus di se grandi y diversu komunidadi. (ex. Mapa jiografiku, etinisidadi, rasa, idadi, seksu, orientasãu seksual y uzu). Prugramas iventus y oportunidadi na Strand ta involve tudu menbrus di komunidadi di Boston. Ta ba ten un kontinu involvimentu komunitáriu na dizenvolvimentu y aumentu/kriasãu di Tiatru.

**Dizenvolvimentu Ikonómiku:** Strand ta ba ser un parseru vital na fortifikasãu cultural y ikonómiku di vizinhansa. El ba trabadja en parseria ku Sidadi di Boston, Stadu, entidades di dizenvolvimentu ikonómiku públiku, privadu, negósios lokais y organozasãu asin kómu fundasãu, korporasãu y indivídus. Atraves di es parseria, el ta dizenvolve, mante y avansa Strand kómu parti di tudu dizenvolvimentu ikonómiku di vizinhansa

#### *Otus Rekomendasãu*

**Prusesu di RFP:** “Task Force”ten dos sujestãu referenti a prusesu di RFP (Rekirimentu Pa Prposta). Primeru, di manera a balansa nesesidadi pa oferese sufisenti tenpu pa prupostas pode ser submetidu, y nesesidadi pa konpleta tranzisãu, konformi tenpu ki meste, “Task Force” ta rakomenda ki RFP dixadu pa dos mês y ki ultimo dia pa subimete proposta ser na Setenbru, na fin di Verãu. Es padas di tenpu y tenpu indikadu debe da konkorrentis tenpu sufisenti pa es atxa parseru, si for nesesáriu y bumblete solidus propostas, au mesmu tenpu el ta da Sidadi sufusienti tenpu pa kontrata nova adiministrasãu te antis di fin anu di kalendaru.

Sugundu, un kontinu involvimentu komunitáriu debe prosigi duranti tudu prusesu di RFP. Es involvimentu pode ser di manera ki ta inklui alguns menbrus di “Task Force” y otus na da komité di prusesu di selesãu di Sidadi sujestãu. Nu ta gostaba di fortimenti rekomenda apresentasãu di finalistas na un forum komunitáriu. Menbrus di “Task Force” deve sta dispostu a partisipa na prusesu di selesãu, kasu es foi pedidu.

**Dizenvolvimentu Ikonómiku na Upham’s Corner:** Txeu pesoas ki “Task Force” papia ku el mensiona dizenvolvimentu ikonómiku di Upham’s Corner kómu xavi prinsipal na susesu di Strand Theatre. Es indika ideia erradu di vizinhansa- sobri segunransa, transporti y estacionamentu y falta di kes servisinhos antis y dipos di tiatru- kómu potensial blokeiu pa Strand. Nu ta kardita ma karkel planu pa reviva Strand ta ba tinha mas susesu si el podu djuntu ku planu di revitalizasãu di vizinhansa.

**Diversidadi na Arts:** Tamanhu di Strand y se lokalizasãu na komunidadi di kor ta faze differenti, rejional y nasional – pkus tiatru des tamanha y grandura ta izisti fora di sentru di distritu di tiatru. Kómu un valor des kalibri na Dorchester, Strand ten oportunidadi di mostra se grandi arti komunitariu y selebra se povu multicultural prizentandu diversidadi

na prezentasāu di artis y otus prugramas, ki ta mostra grupus ki ta po kualidadi di differentis tipu di artistas, ki ta atria diversus audiensia, ki ten impregadus y voluntaries ki ta rifleti se komunidadi. “Task Force” ta rikomenda ki Sidadi selesiona un organizasāu di adiministrasāu ki ta dimostra ma diversidadi di Sidadi ê un forsa pozitivu.

**Parseria ku Institutuisā Estabelesidus na Kanpu Izibisāu di Artis:** Komunidadi kultural na Boston ten lutadu txeu pa prenxo se goal en vonta di diversidadi. Strand sta situadu kel mas grandi diversifikadu vizinhansa na Boston ypur isu, el ten un di kes mas diversifikadu audiensia di tudu tiatru di Boston. Kómu donu di Strnad Theatre, Sidadi pode djuga un papel n djuda traze grandi diversidadi na kanpu di artis y kontribui pa muda kanpu kultural di Boston. Sidadi pode enkoraja kes instituisāu di arti ki dja sta ben sintadu a uza Strand pa es pode traze alguns di ses espetakulus pa Tiatru. Ke li, pode djudas konsigi atinji un grupu mutu mas anplu ki gentis ki ta ba tiatru y satisfaze pididu di menbrus di komunidadi ki tene fomi di más opsāu. Kómu un tiatru di vizinhansa, Strand ê un meiu mutu fasil pa rezidentis di komunidadi ki pode ka skodje bai distritu di Tiatru. Pa alguns, es ê uniku tiatru ki es ta bai. Traze espetakulu di “downtown” pa Strand ta da es rezidentis txansa di odja espetákulus ki di otu manera es pode perde. Strand pode ser un lugar ki ta uni gentis di differentis segmentus y vizinhansas di Boston. Ora ki patrosinadu un parseria y troka di prugrmas entri Strand y kes otus instituisāu ki ta izisti, Sidadi pode txiga un pasu mas pertu di konsigi se vizāu p Novu Boston.

#### ***Reparasāu di Prédiu:***

Tantu organizasāu di artis menbrus di komunidadi rakkomenda ma renovasāu di prédiu ê vital pa atrais prugrmasāu ki dizejadu. Nu ta rekohese y nu ta apresia txeu investimentu di Sidadi na Strand, inkluidu oferese renda di grasa, garanti dinheru pa dispezas anual di se funsionamentu, pa paga dispezas di utilidadis, y finansia prujetu di atual reparasāu di prédiu y manutensāu estrutural di prédiu. Tanbe nu sabi ma Sidadi sta involvidu na un orusesu di planiamento rigurozu pa determina kustu total di renovasāu y restorasāu di Strand. Sidadi ten ki fika involvidu kómu un parseru ativu na apoia nesesidadis fundamentaisdi tiatru – un tiatru restaurasu y pulidu ê un kuza ki bale pena y debe ser segidu. Ma Sidadi ka pode fazel es só. “Task Fotce ta pidi Sidadi pa txiga na tudu ken ki sta interesadu y proativamenti djobe partisipasāu finanseira di parserus na kanpanha di fundu pa midjora kondisāuy aparenzia di Tiatru.

**Dezignasāu pa Rejistru Nasional di Istoria:** Nova adiministrasāu debe trabadja ku Sidadi di Boston pa esplora pros y contras el ser designasāu pa National Historic Registry. Kuza pozitivus pode inklui se entrada a dinheru públiku especial y se kapasidadi di bende kreditu di taxa pa aumenta fundu sen restrisāu.. Kuzas negativus pode inklui nível di The cons may include an increase level di erru na tudu reparasāu fiziku u ki pode omenta custus.

**Partisipasāu Sidadi Boston anAdiministrasāu Formal:** Un pergunta ki foi labantadu ê si Sidadi di Boston debe ten un lugar na Junta diretiva na nova organizasāu administrativa pa Strand Theatre. Debe konsideradu si ke li ta abri nova porta pa konstrui un relasāu más forti ki ta dura di ki, kel ki tinha ku adiministrasāu na pasadu.

## **Konkluzāu**

Revitalizasāu Strand Theatre ê un tremendu oportunidadi pa Sidadi di Boston puli es jóia ki tantu tenpu ten stadu ta stera y pa el valoriza se konpromisu a un vizinhansa saudável y vital. Tudu arias di Sidadi ta kontribui pa imajen rejional y nasional tāu impurtanti pa konduzi ikonomia ki ta faze Boston atrativu. Strand Theatre ê konpletamenti di Sidadi di Boston. Es lí ê un kazu raru na mundu di kultura. Selesāu di un adiministrasāu di parseria ifetivu y kriativu pa Tiatru ta da Sidadi txansa di dimostra investimntu konkretu na durasāu di kultura y ikonomia pa tudusidadāu di Boston.

Nu ta apresia es oportiunidadi di kontribui, djuntu ku nós kulegas y nizinhus, nó esforsu koletivu pa difini futuru di Strand Theatre. Nu ta spera ma kuzas ki nu atxa y nós rakomendasāu ta ba djuda Mayor,y nu ta agradisel pa es oportiunidadi di sirbi.

Subimentedu ku ruspetu,

Kenneth J. Novack, Chair  
Ed Dugger  
Denise Gonsalves  
Geri Guardino  
Jose Mateo  
Magnolia Monroe-Gordon  
Klare Shaw  
Tyra Sidberry

## **Appendix**

- A: Biografias di menbrus di Task Force
- B: Ajendas y materiais pa runiāu di Task Force
- C: Rekortis di Jornais
- D: Dadus di prusesu di Komunidadadi
- E: Dadus sobri Susesus y kanpus konpetisāu
- F: Mētudu di selesāu di RFP

BRA ten tentadu oferese tradusāu konpletu di es dokumentu. Si arguns signifikadu ka sta klaru nes tradusāu, BRA ta mante sersāu na Inglês kómu dokumentu orijinal. Nu ta trabadja ku bó pa faze signifikadu di orijinal klaru.